



Jens Immanuelson
Medlem af Inatsisartut, Siumut
/-Her

Aalisakkanik suliffissuarnut tapiissutit pillugit § 37 naapertorlugu apeqquteqaatinut akissuteqaat

15-05-2013
Sags nr. 2013-083400
Dok. nr. 1216434

Asasara Jens Immanuelson

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Aalisakkanik suliffissuarnut tapiissutit, innaallagissamut akinik immikkut ittumik appasitsinikkut tunniunneqartartut pillugit apeqquteqaatinnut qujanaq.

Tapiissuteqartarnermi aqqissuussinerit naammattumik pissarsivigisarnerlutigit inuiaqatigiittut eqqarsaatigissallugu pingaaruteqartorujussuuvoq. Apeqqutit oqallinnermut pingaarutilimmut matumunnga aallarniutitut pingaarutilittut isigaara.

Apeqqutitit ataasiakkaarlugit matuma kinguliani akissuteqarfigaakka.

Nunatsinni aalisakkanik suliffissuit innaallagissamut akikillisaataasumik qanoq annertutigisumik kW-mut akiliummut Aningaasanut inatsisikkut tapiiffigineqartarpat?

Aallarniutigalugu aalisakkanut suliffissuarnut akit immikkut ittumik appasitsinneqartut qanoq katitigaanersut naatsumik oqaluttuarissavara.

Nunami suliffiit, aalisakkanik uumasunillu qalerualinnik suliaqartartut, saliisartut qerititsisartulluunniit tamarmik aalisakkanut suliffissuarnut akit immikkut appasitsinneqartut atorlugit innaallagissamik imermilluunniit pisisinnaapput.

Aalisakkanik suliffissuarnut akit atuisut nalinginnaasut innaallagissamut imermullu akigititaasut 41,5 procentiinut aalajangersarneqarput¹. Paarlattuanik tamatuma kingunerisaanik, aalisakkanik suliffissuit innaallagissamut imermullu akit 58,5 procentiinik akikillisaanneqartarput.

Matuma kinguliani takussutissiami innaallagissamut kWh-mut ataatsimut aamma imermut m³-mut ataatsimut tapiissutaasimasut agguaqatigiissinneqarneri takuneqarsinnaapput.

¹ Aalisakkanilli suliffissuarnut akinut killissarititaasut uku atuupput: Aalisakkanik suliffissuarnut akit, akit annerpaaffissaannit atuuttunit amerlanerussanngillat, aammalu akit minnerpaaffissat atuuttut 41,5 procentiinut aalisakkanik suliffissuarnut akit appasinnerussanngillat.

**Aalisakkanik suliffissuarnut uuttuummut ataatsimut imermut innaallagissamullu
tapiissutaasimasut agguaqatigiissillugit**

Ukioq	2011	2012
Innaallagissamut kWh-mut ataatsimut tapiissutit	1,26	1,35
Imermut m³-mut ataasimut tapiissutit	14,59	13,22

Aalisakkanik suliffissuarnut akinut immikkut appasitsinneqartunut inuiaqatigiit aningaasartuutaasa katinneri takussutissiami matuma kingulianiittumi takuneqarsinnaapput

Ukioq	2011	2012
Aalisakkanik suliffissuarnut akinut immikkut ittumik appasitsinneqartunut aningaasartuutit	81.1 mio. koruunit	77.1 mio. koruunit

Aalisakkanik suliffissuarnut akinut tapiissutinut aningaasartuutit ukiumiit ukiumut allanngorartarput, tamatumani innaallagialq imerlu qanoq annertutigisoq aalisakkanik suliffissuit atorsimaneeraat toqqaannartumik peqqaasarmat. Aalisakkanik suliffissuarnut tapiissutit tamarmiusut ukiuni marlussunni ikilisimapput, tamatumunngalu pingaartumik aalisakkanik suliffissuit pisarnerminnit imermik annikinnerusumik atuisimaneerat pissutaavoq.

Aalisakkanik suliffissuarnut akit immikkut ittumik appasitsinneqartut Nunap Karsianiit tapiissuteqarnikkut, aammalu nioqqutissanit sullitanillu allanit agguaaqqinnikkut aningaasalersorneqartarput.

Taamaalilluni pingaartumik Nuummi, Sisimiuni aamma Ilulissani innaallagissamik atuisut aalisakkanik suliffissuarnut akinut immikkut ittumik appasitsinneqartunut aamma akit annerpaaffissaannut aningaasalersuinermit tapiissuteqartarput.

**Aningaasalersuineq – Nuummiit, Ilulissaniit aamma Sisimiuniit innaallagissamit
aamma ungasianiit kiassarnermit agguaaqqinneq
(mio. koruuninngorlugit)**

	2011	2012
Ungasianiit kiassarnermit aningaasalersuineq	85,6	51,4
Innaallagissamiit akit minnerpaaffissaannut aningaasalersuineq	53,9	77,0
Katillugit	139,4	128,4

Tassalu aalisakkanik suliffissuarnut akit atuunnerisigut Nuummi, Sisimiuni aamma Ilulissani atuisut innaallagissamut kiassarnermullu akinut qaffasinnerusunut akiliisarput, tamannalu illoqarfanni taakkunani atuisunut aningaasaqarnikkut nammakkiineruvoq.

Aamma ungasianiit kiassarnermut akit aqquutigalugit aningaasalersuinerup kingunerisaanik innaallagialuq atorlugu ungasianiit kiassarnermik tunisassiorneq nunap iluaniit ikummatissanik atuilluni kissamik tunisassiornermit akisuneruvoq, tamannalu ungasianiit kiassarnermik, avatangiisinik mingutsitsinngitsumik siaruarterisinnaanermut akimmisaartitsisarpoq.

Aalisakkanik suliffissuarnut akit immikkut ittumik appasitsinneqartut oqallisigineqarnerisa peqatigisaanik erseqqissaatigineqassaaq, aalisakkanik suliffissuit suli sullitani angisuuni annertunerpaajummata. Pingaartumik imermik tunisaqartarneq eqqarsaatigalugu, tassami aalisakkanik suliffissuit erngup Nukissiorfinnit tunisassiarineqartup tamarmiusup affangajaanik atuisuusarput.

Nukissiorfiit ukiumut imeq 5 mio. m³-t missaat tunisarpaat, taakkunanngalu 2,2 mio. m³-t missaat 2012-imi aalisakkanik suliffissuanut tunineqarsimapput. Aalisakkanik suliffissuit innaallagissamik imermillu maannakkuktut annertutigisumik atuiunnaarpata, sumiiffiit ilaanni atuisunut akit qaffasinnerulissapput, aningaasartuutit aalajangersimasut immikkoortunut ikinnerusunut agguarneqartalertussaammata.

Kiisalu akit immikkut ittumik appasitsinneqartut aalisakkanik suliffissuarnut Kalaallit Nunaanni inuussutissarsiutinik ingerlatsinissamut sinaakkutissanik pitsaasunik pilersitsiviunerat eqqumaffigissallugu pingaaruteqarpoq. Aalisakkanik tunisassianik tuniniagaqarneq unammillerfiuvoq, aammalu Kalaallit Nunaata inuussutissarsiornermut sinaakkutissanik pitsaasunik atugassaqartitsinissamik neqerooruteqartarnermi nunat allat unammilligara. Taamaattumik imermut nukissiutinullu akit tunngavissaapput, ataatsimut isigalugit sinaakkutissat, nunap neqeroorutigisinnaasaasa amerlasuut ilagisaattut oqaatigineqarsinnaasut.

Tassalu aalisakkanik suliffissuarnut akit immikkut ittumik appasitsinneqartut Kalaallit Nunaanni aalisakkanik tunisassiat nunami suliarineqartarnerisa ingerlaannarnissaannut sakkussat ilagaat, taamaalillutillu naggataagut aalisarnermik inuussutissarsiuteqarnermi suliffissanik pigisaqaannarnissamut sakkussaallutik.

Naalackersuisut isumaqarput, Nunap Karsiata Nukissiorfinnut tapiissutaanik appartitsiartornerup ingerlaannarnissaa pisariaqartoq. Nukissiorfinnut tapiissutit atorunnaarsikkiartuaarneqarneranni innaallagissamik, imermik kiassarnermillu atuisut annertunerusumik akiliisarnissaat pisariaqartinneqarpoq.

Taamaattumik siunissami aalisakkanik suliffissuarnut tapiissutit appartikkiartuaarneqarnissaannik misissuinissarput pisariaqartorujussuuvoq. Aalisakkanik suliffissuarnut akit immikkut ittumik appasitsinneqartut piivinnissaat siunertarineqanngilaq, kisiannili appasinnerusunngorlugit ikiliskkiartuaarneqarnissaat siunertarineqarluni.

Tassami aalisakkanik suliffissuarnut akit qaffangikkutsigit, aalisakkanik suliffissuanut tapiissutit aningaasalersorsinnaaneruniarlugit atuisunut nalinginnaasunut akit qaffattariaqalertussaavagut.

Aalisakkanik suliffissuit selskab-it sorliit tapiiffigineqartarpat

Aalisakkanik suliffissuarnut akit immikkut ittumik appasitsinneqartut atorlugit innaallagissamik imermillu atuisartut annerit tassaapput:

- Royal Greenland
- Polar Raajat
- Upernavik Seafood
- Arctic Prime Production
- Qeqertaq Fish Aps

Neriuppunga akissutiga naammagisimassagit.

Inussiarnersumik inuulluaqqusillunga

Mette Lynge